

LOKALNI EKONOMSKI FORUM

Zapisnik

sa sastanka za formiranje Ekonomskog foruma u BPK Goražde,
održanog u ALDI-ju, 05. 02. 2004. god.

Prvi dio sastanka:

1. Uvodni govor

Sastanak Lokalnog ekonomskog foruma je otvorio Zijo Terović, koji je pozdravljajući prisutne pozvao i na diskusiju, te davanje prijedloga i sugestija.

Demir Imamović govorio je o historiji ideje LEF-a, i o iskustvima lokalne ekonomske promocije na unapređenju lokalnog ekonomskog razvoja u zaostalim područjima u zapadnoj Evropi. Naglasivši značaj saradnje tri sektora u društvu, kazao je da ALDI i PK BPK žele omogućiti sretanje poslovnog, građanskog i javnog sektora, putem sastanaka ova tri sektora u okviru institucije koja bi obuhvatila sve ove organizacije.

Nijaz Ratković je informisao da je za sastanak LEF poslano 36 poziva, a da sastanku prisustvuju 22 učesnika. Obrazložio je osnovne funkcije Forumu i ukazao na aktivnosti Aldija kao fasilitatora, pozvavši prisutne na diskusiju.

2. Uspostavljanje Ekonomskog foruma

Demir Imamović je naglasio važnost organizovanja ovakvih sastanaka i foruma, govoreći o bitnosti «udovoljavanja» poslovnom sektoru, dajući primjer Odbora Evropske komisije u Briselu, koja je osnovana za saradnju sa poslovnim sektorom, a zatim je na primjeru investicija istakao važnost učešća građana – kada investitori ulažu, žele da znaju stav građana o tom pitanju. Govoreći o svjetskim trendovima kazao je da je trend današnjice da se pojedine zemlje takmiče koliko će «pokloniti» firmama. Lokalne zajednice, želeći da pokažu dobru volju, danas daju 10 – 20 % subvencija novim firmama, država je ta koja nastoji obezbijediti uslove da se postojeće kompanije zadrže, a privuku nove. Lokalni ekonomski forum nije zamišljen kao formalno tijelo, već kao mjesto u kojem bi svi mogli pokrenuti diskusiju i dati prijedloge, komentare, sugestije i ideje, koje bi nekad i nekome mogle donijeti rješenje. Apostrofirao je bitnost regionalne saradnje i mogućnost da općine putem REDRIN-a koordiniraju projekat zajedno, dajući primjer Irske i Njemačke. Europska komisija podržava sve organizacije da apliciraju regionalne ekonomske projekte, za rješavanje zajedničkog problema. Inicijativa za regionalne ekonomske projekte od strane Evropske komisije najvaljana je prije godinu dana i

potrebno je odrediti pet do šest zajedničkih stvari, koje bi se mogle predložiti iz ove regije i čijim otklanjanjem bi se mogao lakše obavljati biznis u BiH.

Dr. Emir Frašto je kazao da je ideja LEF-a dobra. Informacije treba da su dostupne svima. Građanima se treba dati mogućnost da govore i informišu, a obaveza ALDI-ja je da garantuje zaštitu tih informacija.

Enisa Lapo je kazala da inicijativa LEF-a zavređuje pažnju, ali da prvo mjesto treba dati REDRIN-u koji postoji već dvije godine i koji treba dati smjernice o tome šta je prioritet za gornjodrinšku regiju, po njenom mišljenju to je putna komunikacija.

Jusuf Tutić smatra da će LEF biti tijelo koje će na bolji rad potstaći i Kantonalnu skupštinu i Općinska vijeća, na osnovu razgovora i zaključaka LEF-a. LEF je tijelo za kantonalni razvoj i postoji i mogućnost saradnje sa REDRIN-om, za koji je upitao «Šta je REDRIN uradio za Goražde?»

Zijo Terović odgovorio je da je urađen info sistem, mljekara je na osnovu regionalnog projekta dobila laktofriz, postoji ideja formiranja regionalnog mrežnog inkubatora, ali od ideje do realizacije je dug put. Mnoge firme su dobijale atašmane, ali nema interesanata, konzorcij za zaobilaznice se pominje pet godina, nema puta jer Federacija nije zainteresovana da ga napravi. Problem je što u Goraždu Goraždani neće da rade zajedno.

Demir Imamović je naglasio da u LEF-u postoji mogućnost da ljudi kažu svoje mišljenje, da se kroz razgovor može doći do ideje, da se tako može doći do određivanja zajedničkog problema koji je rješiv za godinu dana. Ovaj Forum, u vezi sa poslovanjem treba dati odgovore, savjete, pomoć, sugestije i izvršiti mobilizaciju sviju i svega u slučaju pojave investitora.

Slavko Klisura kazao je da je ideja LEF-a davanje prilike svima da kreiraju lokalni ekonomski razvoj – participativno planiranje i povratak ekonomske moći općinama. Po njegovom mišljenju, Forum bi trebao biti konsultantsko tijelo, «zbir pameti», koje dobrom stručnom analizom i ponudom ideja i rješenja utiče na zakonodavce i izvršnu vlast Kantona i Općine. Potrebno je napraviti poslovnu konekciju između zakonodavne, izvršne vlasti, privrede i građana, uz afirmaciju pojedinaca i saradnju sa medijima. S pozicije NVO, koje unose dobru količinu novca koji ostaje na ovom području, ovaj Forum bi trebao biti partner REDRIN-u, isto kao što su međusobni partneri NVO koje čine Referentnu grupu osam NVO s ovog područja. Naglasio je bitnost dostupnosti informacija građanima. Općina Goražde je u saradnji sa građanima radila Viziju i taj dokument je vlasništvo građana, Vizija Forumu može poslužiti kao dobar primjer takvog rada – okupila je građane, a građani regije će razmišljati više ekonomski, a manje politički.

Hamed Topuz kazao je da je ideja Foruma kao mjesta gdje se susreću ideje dobra i da je ljudima koji žele uložiti novac potrebna konsultantska pomoć ovakvog Foruma.

Faruk Pilav je iznio je ideju da je potrebno uvezati poslovne ljude iz Goražda koji rade van Goražda, sve one koji će doprinijeti da ovdje svima nama bude bolje.

Ahmed Šunja kazao je da ovakav Forum treba da vodi politiku iz koje će proizići ideja šta činiti. Ako se govori o razvoju, onda treba da se odredi koje su to grane razvoja, šta je interes kantona, koliko i kakvu stimulaciju Kanton može dati.

Ibro Imamović je kazao da Forum vidi kao mjesto gdje dolaze ideje, mjesto gdje se postiže konsenzus. Kazao je da, kada se govori o investicijama, naši ljudi ne znaju da se za strane investicije plaća i da je o takvim stvarima potrebno govoriti na mjestu kao što je ovo.

Ramiz Drakovac osvrnuo se na infrastrukturu, bez infrastrukture ne možemo očekivati ni jaku privredu. Dajući primjer da u gradu nema hotela, istakao je da gradu treba vratiti imidž grada.

Anka Ćurevac kazala je da je korisno sve što se radi za dobrobit građana, predložila je da se u rad Foruma uključe privrednici, vijećnici i poslanici i predložila je redovno održavanje sastanaka.

Drugi dio sastanka:

3. Aktuelni privredni problemi i uloga Foruma, protok informacija, nove mogućnosti za unapređenje poslovanja

Demir Imamović pozvao je učesnike na diskusiju, te na predlaganje zaključaka. Kazao je da su u ovaj Forum svi dobrodošli. Naglasio je važnost informacija za sve, kazavši da ALDI ima dosta informacija i podataka, koje prima na vrijeme i redovno, od SPRS-a do ostalih ekonomskih planova i koje može dostaviti svakome ko je zainteresovan za njih. ALDI želi znati koje informacije bi bile interesantne svima ponaosob, kao i da li bi učesnici Foruma mogli ponuditi određene informacije Forumu. Djelovanje kroz Forum i kao Forum omogućava učesnicima Foruma veću mogućnost zahtjeva, nego kada su sami. Pozvao je prisutne da daju svoje ideje o tome šta bi se moglo diskutovati na slijedećem sastanku Foruma.

Anka Ćurevac je informisala je da je u Prijedlogu Budžeta BPK Goražde namijenjeno 500 000 KM za podsticaj privredi i razrađen je mehanizam kreditnih sredstava za otvaranje fabrika i pribavljanje dozvola i obavijestila je učesnike Foruma da će na međunarodnoj konferenciji za investicije u Mostaru, Ministarstvo za privredu BPK aplicirati projekat puta M5.

Ibro Imamović istakao je da su se u toku diskusija pojavile ideje da se sastanci održavaju tematski (na svakom sastanku će se odrediti tema za slijedeći sastanak) i ideja povezivanja sa biznismenima iz Goražda koji rade van Goražda, uz pružanje tehničke pomoći preko ALDI-ja.

Jusuf Tutić kazao je da se trebaju iskoristiti svi raspoloživi podaci svih institucija relevantnih za rad Foruma, a da Privredna komora BPK treba dobiti podatke od drugih komora o procedurama u skupštinama i podršci koju daju investitorima.

Na kraju je zaključeno da se naredni sastanak Foruma održi kada se pripreme materijali i informacije potrebne za obradu i prijedloge koji se odnose na sistem investiranja u BPK – podsticaji investiranja u BPK i na uspostavljanje konekcija sa privrednicima iz Goražda koji rade van Kantona – susreti goraždanskih poslovnih ljudi.

Zapisnik:

Delila Klovo
ALDI Goražde

DODATAK 1: Lista učesnika

R.br	Ime i prezime	Adresa	Tel / fax	E- mail
1.	Mesud Dreca	Općina Ustikolina	518-100	
2.	Mirsad Čengić	Općina Ustikolina	518-100	
3.	Jusuf Tutić	Goražde	61161-869	
4.	Emir Frašto	Goražde	228-804	
5.	Ibrahim Imamović	Goražde	227-850	
6.	Hamed Topuz	Goražde	221-482	saosigo@bih.net.ba
7.	Zijad Peštek	Goražde	221-201	
8.	Zijo Terović	PK Goražde	227-644	
9.	Muhamed Cviko	GINEX	221-402	
10.	Anka Čurevac	Vlada BPK Goražde	221-212	
11.	Asima Džambegović	TPO	221-091	tpo@bih.net.ba
12.	Slavko Klisura	CPCD Goražde	228-309	cinvos@bih.net.ba
13.	Ramiz Drakovac	BD Osiguranje	222-085	
14.	Halim Drakovac	31. Drinske 143	227-082	
15.	Faruk Pilav	Višegradska bb	228-863	
16.	Ahmed Šunja	Višegradska bb	221-797	
17.	Enisa Lapo	31. Drinske 66	228-711	
18.	Azra Softić	Općina Goražde	221-002	
19.	Demir Imamović	ALDI, Panorama bb	227-850	demir.imamovic@aldi.ba
20.	Nijaz Ratković	ALDI	227-850	nijaz.ratkovic@aldi.ba
21.	Vildana Kadrić	ALDI	227-850	vildana.kadric@aldi.ba
22.	Delila Klovo	ALDI	227-850	delila.klovo@aldi.ba